

應州續志卷之十

應州知州南豐吳炳纂輯

雜紀

東漢

獻帝建安二十三年四月代郡烏桓反曹操以子彰為中郎將夏侯尚為叅軍擊之彰入涿烏桓數千卒至時兵馬未集彰用田豫計固守要隙敵散退彰追之身自搏戰馳射敵騎應弦而倒前後相屬戰至半日鎧中數箭意氣益勵乘勝逐北至桑乾雲中志今地屬應州漢代

應州續志

卷十

郡去代二百餘里長史諸將皆以為新涉遠地士馬

疲頓又受節制不得過代不可深進彰曰率師而行惟利所在何節制乎遁走非遠追之必及從令縱敵非良將也遂上馬令軍中後出者斬一日夜相及擊大破之通志魏土地記代城北九十里桑乾城城西渡桑乾水水經注魏任城王彰以建安二十三年伐烏桓入涿郡遂北逐至桑乾止於此是也今當係蔚州北然去代二百里則地屬應州之說亦當存之

北魏

始祖五十八年晉遣子文帝名沙歸始祖聞大悅使諸

部大人詣陰館迎之

太祖皇始二年叱奴根反於陰館南安公順率軍討之

不克死者數千詔安遠將軍庾岳總萬騎還討叱奴

根等滅之

俱見帝紀

太祖伐中山南安公順守平城賀力眷等聚眾於陰館

順討之不克乃從留官自白登南入繁峙故城阻灤

水為固以寧人心太祖善之

通志

後唐

明宗天成二年十二月追尊祖考為皇帝妣為皇后高

應州續志

卷十

二

祖聿諡曰孝恭廟號惠祖祖妣劉氏諡曰孝恭昭曾

祖敖諡曰孝質廟號毅祖祖妣張氏諡曰孝質順祖

琰諡曰孝靖廟號烈祖祖妣何氏諡曰孝靖穆考電

諡曰孝成廟號德祖妣劉氏諡曰孝成懿立廟於應

州

五代史本紀

明宗入立繼唐太祖莊宗而不立親廟太常卿馬縞請

立廟以申孝享宰相鄭珏等請四代祖考皆加帝而

立廟京師詔可其加帝而立廟應州

馬縞傳

晉

高祖天福六年安重榮上表云昨據熟吐渾白承福赫連功德等領本族二萬餘帳自應州來奔

五代史本傳

宋

太宗雍熙三年二月以潘美為雲應朔等州都部署雲州觀察使楊業副之出鴈門伐契丹三月師至應州其節度使艾正觀察判官宋雄以城降

二年五月潘美還代州徙雲應朔吏民及吐渾部族分置河東京西九月賜所徙雲應等州民米

俱見本紀

三年北征諸軍連拔雲應寰朔四州師次桑乾河會曹

應州續志

卷十

三

彬之師不利諸路班師未幾詔遷四州之民於內地令美等以所部之兵護之時契丹母蕭氏與其大臣等領兵十萬復陷寰州業謂美等曰今遼兵益盛不可與戰朝廷止令取數州之民但領兵出大石路先遣人密告雲朔守將俟大軍離代州日令雲朔之眾先出我師次應州契丹必來拒即令朔州民出城直入石碣谷遣強弩千人列於谷口以騎士援於中路則三州之眾保萬全矣蔚州刺史王侁沮之適之戰俄而業敗於陳家谷死之

楊業傳

徽宗宣和五年契丹將蘇京以應州來降金人尋逐京復取之

遼

太宗天顯十一年十二月庚戌幸應州癸丑唐大同彰國振武三節度使迎見留之不遣

會同元年十一月晉遣使趙瑩奉表來賀以雲應等十六州圖籍來獻

穆宗應歷三年三月如應州擊鞠

景宗保寧五年正月如應州

應州續志

卷十

四

聖宗統和元年十一月癸丑應州獲宋謀者言宋除道

五臺山將入靈邱界詔謀者及居停人並磔於市

四年四月以艾正趙希贊及應州朔州節度副使等叛入於宋籍其家屬分賜有功將士

四年五月詔遣詳穩排亞率弘義宮兵及南北皮室郎君拽刺四軍赴應朔二州界與惕隱瑤昇招討韓德

威等同禦宋兵之在山西未退者

開泰二年三月應朔等州置轉運使

六年冬十月南京路饑輓雲應等州粟賑之

俱見本紀

耶律斜軫取蔚州賀令圖潘美等復以兵來斜軫逆於  
飛狐敗之宋軍在渾源應州者皆棄城走本傳

金

太祖天輔七年四月間遼主留輜重青塚以兵萬人往

應州遣婁室銀朮可等追襲之帝紀

天輔七年遣字董銀朮可報聘於宋許以武應朔蔚等

州其於西北一帶接連山川及州縣不在許與之限

表交聘

阿魯補徇北地招降營帳二十四民戶數千時已下西

應州續志

卷十

五

京闈母攻應州不下退營於州北十餘里夜遣阿魯

補率兵四百何敵城中果出兵三千來襲阿魯補道

與之遇斬首百餘獲馬六十天會初宋王宗望討張

覺於平州聞應州有兵萬餘來援遣阿魯補與阿里

帶迎擊之斬馘數千而還本傳

太宗時突合速嘗領偏師破雲中諸山寇盜宗望攻平

州遣突合速討應州賊平之撫安其民而還本傳

夾谷吾里補從宗翰屯應州遼軍在近境吾里補以所

部擊敗之本傳

正大七年元太宗至應州以九日拜天親統大兵入陝  
西牙吾塔傳

元

太宗八年二月命應州郭勝等從皇子曲出充先鋒伐  
宋

世祖中統三年十一月敕河西民徙居應州其不能自  
贍者百六十戶給牛具及粟麥種仍賜布人二匹

英宗至治二年七月車駕次應州曲赦金城縣囚徒俱見

本紀

應州續志

卷十

六

應州郭志全反脅從誑悞者五百餘人有司議盡戮之  
劉黑馬止誅其為首者數人餘悉從輕典父劉伯林傳

明

宏治十三年火篩掠應州及馬邑懷仁十八年寇由懷  
仁入應州

正德十二年十月帝駐蹕順聖川甲辰小王子犯陽和  
掠應州丁未親督諸軍禦之戰五日辛亥寇引去駐  
蹕大同

十三年七月錄應州功敘蔭陞賞者五萬餘人俱見本紀

武宗幸大同還以應州之捷大賚文武羣臣兵科都給事中汪元錫言是役殺邊民無算六軍多傷今君臣欣喜交賀而軍民繫賊庭南向號哭臣等何忍受賜

本傳

應州之捷帝降敕總督軍務威武大將軍總兵官朱壽勦寇有功宜特加公爵制下舉朝大駭刑科給事中齊之鸞偕諸給事中上言自古天子亦有親臨戰陳勘定禍亂者成功之後不過南面受賀勒之金石播之歌頌已耳未有加爵酬勞如今日之顛倒者不知

應州續志

卷十

七

陛下何所取義爲此不祥之舉以駭天下之耳目貽百世之譏笑也

本傳

嘉靖二十四年和川奉國將軍充灼坐罪奪祿怨代王充耀不爲解乃與襄垣中尉充燠謀引敵入大同殺王會應州人羅廷璽等以白蓮教惑衆見充灼爲妖言因畫策約奉小王子入塞藉其兵攻鴈門取平陽立充灼爲主事定卽計殺小王子充灼然之先遣人陰持火箭焚大同草場五六所而令通蒙古語者衛奉闕出邊爲總兵周尙文邏卒所獲並得其所獻小

王子表鞠實以聞遠充灼等至京賜死焚其屍王府長史等官皆逮治代王列傳

三十一年八月俺答犯大同分掠應朔山陰馬邑

三十六年俺答子辛愛寇應朔毀七十餘堡俱見本紀

嘉靖時俺答入寇破應州四十餘堡楊順為總督懼罪

欲上首功縱吏士遮殺避兵民人通志

隆慶三年九月俺答犯大同掠應州山陰渾源本紀

崇正七年七月大清兵入大同境攻拔得勝堡遂圍

懷仁縣應州總兵曹文詔與總督張宗衡駐懷仁固

應州續志 卷十

守八月圍解曹文詔傳

國朝

康熙四十六年陽曲縣民高宏化等勾黨叩閣指太原

等處有金銀銅等礦每歲願輸戶部銀二十萬自備

人工開採下部行查巡撫噶禮將康熙十四年以後

歷年卷案均屬挖取無砂久奉封塞 題覆高宏化

等復行瀆奏命戶部郎中赫都押解高宏化等十人

至晉同巡撫地方官踏勘是年九月戶部赫都巡撫

噶禮布政使永泰赴繁峙應州等處開挖無驗十一



月赴聞喜衛坡卽宏化等所稱魚坡彎者開挖三晝夜得銅砂二十斤又赴夏縣温峪山開挖三晝夜得銀砂二十餘斤面同部員封固還省覓匠煎煉所採銀砂並無銀色雖有銅星不成分數遂將高宏化德哥等交部員押解回京覆奏奉

旨高宏化等議罪發落永行封塞

通志

炳按推篷寤語云鴈北歸必銜蘆越關則輸之淮南子有銜蘆以避矰繳之說不知鴈從風而飛春夏南風故北飛秋冬朔風故南飛秋冬過南食肥體重故

應州續志

卷十

九

借蘆以助風力塞北風高則無事此故投於鴈門又燕閒錄云山西地寒六月初巡五臺嶺頭澗底層冰積雪皚皚尙衣薄棉陳伯安兵備代州言北上鴈門至應州歷雲中更寒然煖木實產其中此陰中陽也二者足爲金城考索之助爰附載焉

應州續志卷之十終

雜紀補逸

北魏道武帝天賜三年六月發八部五百里內丁男築

灑南宮門闕高十餘丈引溝穿池廣苑圍規立外城

方二十里分置市里經塗洞達

本紀○按魏書穆帝於灑水之陽黃瓜堆

築新平城至道武天興六年幸南平城規度灑南面夏屋山背黃瓜堆將建新邑此云築灑南宮即前所規度者新平城在黃瓜堆灑水北新邑則背黃瓜堆在灑水南係是兩處而南平城殆即新平城也

應州續志後序

予歷官陝右於延安之宜川縣鳳翔之隴州各有州邑志之役而宜川向無志乘事屬創始隴州則取事蹟之缺遺者別續一書草創既成請質當事一得之愚謬蒙推獎業已俱付剞劂丙戌仲冬移任古金城其地屬漢雁門郡攷漢志雁門郡領縣十四中有陰館涇陶劇陽三縣舊志本遼史謂金城即漢陰館縣地雍正時宜興

國朝一統志諸書謂金城之應州為漢涇陶劇陽二縣地以陰館東北百三里為劇陽縣而劇陽陰館之間為涇陶縣劇陽在州東北境涇陶在州之西山陰縣之東陰館在代州北四十里即宋白所云勾注山北下館城則州實劃分涇陶劇陽二縣地陰館不得越涇陶而東根據詳晰

其言誠辨而核矣然史記匈奴列傳趙襄子踰  
勾注而破并代以臨胡貉索隱注引常昭云勾  
注山名在應陰館按常昭三國時吳人是三國  
以前已有應之地名不止見西魏周隋時而陰  
館與應本相連屬明甚予於沿革祇就遼史所  
載陰館廢置糾其牴牾而注陶劇陽未經覈訂  
亦猶儲公之意甚矣考古之難也而舊志體例  
未愜尚不止沿革其間田賦之率畧官師之脫

二

漏選舉之混淆人物之訛誤指不勝屈沿襲已  
數百年因循久之將愈不可問予滋懼焉適奉  
前大中丞蘓公檄飭考正州乘因於簿書餘隙  
蒐討廿二史暨子集諸家証謬補逸彙集成書  
為綱十為目四十有二仍曰續志蓋不敢沒前  
人之功悉攘為己有也昔宋陳耆卿撰赤城志明  
謝方石續之各為一集合之以行康對山志武  
功王九思志鄠後之重脩者別康王所撰為前

志而以續纂為後志成法具在于雖學識焯著  
不敢附作者之林猶竊取斯意云爾

乾隆三十四年己丑秋月

賜進士出身

誥封奉直大夫大同府應州知州南豐吳炳撰

